

袁州府志 卷二

袁州府知府陳廷枚重輯

星紀

分野

占候

機祥

周禮以星土辨九州保章氏職之以占氛祥建國各有
分星由來久矣江西屬星紀斗牛之墟惟袁蕪翼軫蓋
郡介吳楚間封圻方古大國夫有分野斯有占候有占
候斯機祥可得而知天垂象見吉凶蒼蒼之表呼吸通
之古稱五星聚箕熒惑徙舍豈偶然哉觀懸象而增修
能無怵然於天人之際歟

分野

袁州府志

卷二

星紀

分野

吳地斗分野

西漢地理志

斗玉衡第六星主揚州

東漢天文志

斗江

湖牽牛婺女揚州

天官書

牽牛流為揚州

春秋元命包

斗建在子

吳越分野

後漢書

南斗十二度至須女七度為星紀之次於

辰在丑吳越分野屬揚州

按星圖北方七宿其精元武斗牛女在星紀之次斗有龜蛇盤

結之象牛蛇象女龜象南斗六星天府也南二星魁天梁也中二星天相也北二星天府廷也不甲云第四星主豫

南斗牽牛須女吳越揚州豫章入斗九度

晉書天文志

翼軫

楚荊州長沙入軫十六度

吳分長沙上安成郡晉以安成屬荊州故袁州一郡獨兼翼軫

之分南斗牽牛星紀之次丑初起九度十二度終女七

度其分野豫黃西濱彭蠡南踰嶺徼古天志星紀得雲漢下

流百川歸焉故其分野自南河下流於南紀之西東南負

海為星紀僧一行斗六星二十五度吳分野南康臨江袁州

南安俱入斗四度安志吳越當南斗須女之分宋史斗四度三

十六分六十六秒外入吳越分星紀之次元史吳分野斗牛

在丑自斗三度至女一度屬吳越分揚州洪武清類天文天市垣

二十二星東西各列十一星其東垣南第六星曰吳越宋志

三台司命下星主吳越宋志歲星主齊吳星經熒惑主楚主吳

史記天官書蒙山以東至南江會稽震澤徐揚之州屬權星大

別以東至雷澤九江荊州屬衡星春秋文耀鉤

按星野以氣相屬不係方隅一行兩戒分星之說最為

明確而昔人猶以星北地南為疑不知斗牛雖北方之

袁州府志 卷二

星紀 占候 二

宿而晝夜運行星光所射豈限南北即星紀次中農丈

人一星主稼穡宇內同占其理可類推矣

占候

吳楚之疆候在熒惑占於鳥衡史記天官書按張守節正義云熒惑鳥衡皆南方之

星故為吳楚占候丙丁江淮海岱一曰丙楚成吳越漢書天文志北斗

第四星曰權於時主水其分為吳宋史天文志五車五星次東

南一星曰司空楚分荊州主黍粟省志按五車之占有楚無吳惟安成一郡屬荆

州故亦占五車玉衡第四星主荊州常以五卯日候之癸卯為長

沙第六星主揚州常以五巳日候之乙巳為豫章星經郭子章

云江西木豫章郡當候以乙巳安福屬長沙郡當候以癸卯按袁郡舊為安成屬長沙故亦當候以癸卯南斗

盛明天下和平斗建搖氏人牛星明王道牛星曲羅貴月暈牛損

歲星所居下有福德分野之妖祥主用客星慧孛之氣為象康鄭

成周禮鼈十四星在斗南為水蟲歸太陰建六星在牛背南

二星天庫也中二星市鐵鑽也上二星旗附也天弁九星

在建北入河中主列肆闖閭若市籍之事天鷄二星主候

時天籥八星主鎖籥開閉天淵十星在鼈東南主灌溉狗

二黑星在斗魁前主吠守防奸回農丈人一星在斗西南

主稼穡星圖

按占候精妙之處古人多秘而不傳天官書及各圖經所列皆其跡耳錄此以俟明於天道者省覽焉

袁州府志 卷二

星紀 禮祥 三

禮祥

春秋魯定公四年吳師入郢楚昭王出奔香水渡有物觸

王舟舟人收之王恠問羣臣莫識遣使聘魯問孔子孔子

曰萍實霸徵也余聞諸童謠曰楚王渡江得萍實大如斗

赤如日剖而食之甘如蜜王食之果美卒復霸按萍鄉縣即萍實

得名今袁城西門亦名萍實齊永明元年秋七月安成王暠第獲白

雀一頭采省志補梁大同五年慧出南斗 陳天嘉四年太

白入南斗上二條采省志註開元五年袁江二州水采

書元和九年秋大水 唐元和十五年韓文公刺郡日

有慶雲見於州西北至暮方散五色光華不可徧觀公表

南平王鍾傳有賜宅在州北化成巖下嘗產嘉蓮及

連枝李李兩株相去三尺而一枝橫連紋理無辨傳以圖

奏有詔褒美 盧肇故宅前有池產龜小而綠毛一日忽

有龜十數遊池面人爭觀之是歲與計偕者多取上第

十月旦日獅鳳見於仰山廟 天祐七年庚午夏洪洲實

石於越王山下昭仙觀前有聲如雷光彩五色濶十丈袁

吉江洪四州皆見觀前五色煙霧經月乃散錄異記采省志補

南唐保太二年郡城火災 周顯德中萍鄉縣南梵林寺

有祥光見累日不散以聞於朝賜額寶積寺 宋大中祥

符三年七月江漲害民田壤州城 景祐三年夏大雨水

袁州府志 卷二 星紀 禮祥 四

驟漲民廬官署圖藉倉廩皆滄浸 熙宗初萍鄉縣學泮

池中芙蓉春開一本三花是歲郡發解鄉試四人萍居其

三蘓方叔高無黨彭襄按府志與縣志同但無三人姓名而省志則載隆興元年春萍鄉居其三州守

蓮一本三花是年袁州發解進士四人萍鄉居其三州守趙瑞為圖今選舉志內熙寧間解試並無蘓方叔三人即

隆興元年亦無解試郡守趙瑞既圖大觀四年之瑞蓮自

大觀四年至隆興元年中間已隔五十餘年不應復有趙

瑞之圖省志固不能無訛而府縣志亦不知何所本今姑仍之以俟辨正 元豐二年有禾一

莖八穗至十一穗長者尺餘 元祐元年宜春鄉貢進士

王忱家產粟二本四穗長尺餘司理李冲元為瑞粟記

元符二年萍鄉縣東白鷺坑隕石如雷形似羅漢 大觀

四年夏六月瑞蓮生郡泮池之西隅合柑同莖駢花並實

郡守趙瑞繪圖為文以記之 政和中仰山太平興國禪

院產嘉穀一本七穗右僕射張商英上表進瑞禾圖及宋

大雅十三章圖成詔許三省樞密院同觀按省志豫重書載大觀四年秋

九月右丞相張商英言袁州產瑞禾高踰九尺分布七穗上瑞禾圖政和元年仰山太平禪院產嘉穀與舊府志所

載年月宣和六年郡民居三火 建炎己酉萍鄉火

紹興四年自夏及秋皆水 隆興二年萍鄉凌波亭梁上

產瑞芝 乾道庚寅萍鄉學宮成夜有金燈如星飛照殿

閣 淳熙七年五月戊戌分宜大水決田害稼 九年夏

五月不雨至於秋七月 十年大旱 十四年旱 十五

年六月水圯民廬 十六年五月丙辰分宜大水 慶元

袁州府志 卷二 星紀 續祥 五

六年五月郡縣皆大水自庚午至甲戌漂民廬害稼 嘉

泰四年春大饑殍死者不可勝瘞 元至元四年萍鄉州

治前鳳凰池蓮生一本三花駢首並蒂推官李仲敬屬夏

鎮作記時河間李從善守是州按舊志載至正四年誤 二年旱

二十五年秋八月萍鄉縣進嘉禾采豫章書補 大德七年夏

五月袁州饑采豫章書補 延祐二年夏久雨萬載錦水泛溢

袁州饑采豫章書補 至治三年秋八月袁州宜春縣隕霜

害稼采豫章書補 至正二年萬載米出石穴中邑南月臺山有數巨石一

石穴中每旦出米少許質者瞰之以為常供一日有人爭往取之遂不復出 十一年夏大水

十三年冬袁州路黑氣環城采豫章書補 二十年春雨雪

六十月 明洪武二十二年旱 三十四年旱 永樂十
年春大水 夏虎殺人僉事黃翰為驅虎文禱於城隍之
神 宣德九年大旱 十年又旱民饑 景泰三年自冬
及春凝雪連月 六年大旱斗米價壹錢 天順二年夏
四月萬載山崩蛟出大水 五年大疫 八年夏四月大
水秀江橋圯 成化五年冬虎入萬載東郊白晝傷人行
旅滅跡歲暮雙虎跳躍郊外咆哮亂啞官卒獵捕莫之敢
櫻明年正月知縣陳琛為文禱於城隍祠虎莫知所之
十三年大旱穀價騰踴民大饑 十四年夏四月十六日
大水 十五年民饑多盜 十六年萬載大水給事劉董

袁州府志

卷二

星紀 禮祥

六

屋宅皆陷水口洲渚成川 宏治七年嚴寒林木枯摧人
多凍死 八年自五月不雨至於秋八月民大饑 十年

分宜嚴氏書舍產瑞竹一莖七節上分兩岐 十一年袁

州旱

采安志補

十四年夏萍實門外塘蓮一枝雙葩

采林志補

甘露降分宜縣解桐樹時吳蘭知縣事 十六年夏

大旱民饑 十七年袁州袁山門外池蓮一莖雙葩

通志補

十二月分宜火燔民舍五千

縣志作五十

餘家儒學及安仁

驛皆燬 十八年二月分宜袁嶺白氣如虹上騰三日

正德元年秋七月大水山崩橋壞墊民廬舍早稻着泥

出秧 二年夏袁州大仰門外池蓮三本同蒂異萼

豫章書

三年旱饑 四年旱大饑是歲竹生花結米民採食

五年旱 六年袁州監生韓繼善家石榴一蒂六實采林志補

七年旱 八年府城火燔民居百餘家延燎湖西道門

惠民藥局府學西二齋并門廊宰牲房是年旱 十四年

萬載仁壽坊彭顯家芝生柱礎間 十五年萬載大水

十六年分宜大水漂沒民舍 嘉靖元年夏四月大水萬

載學宮池中雙虹見自南竟北五日明年三月復見三日

五月各府大水民饑安志 四年萬載縣火自邑治前起火

勢四發西城全燼時值巡撫盛及守巡按臨俱為拜禱

七年萬載靜安寺產瑞芝頃刻數本各異色 十二年四

袁州府志 卷二

星紀 祿祥

七

月郡大水頃刻深數丈漂沒廬舍禾麥民多溺死有司賑

貸 十三年正月初八夜萬載學火光燭天數刻乃滅安志

十六年分宜儒學東世德堂梁左產芝色赤大如盤

十九年萬載旱正月不雨至五月民大饑疫斗米百錢是

年分宜鈴岡月山下產紫芝 二十一年夏六月萬載梨

花盛開 二十二年正月郡城火延燒宣化樓安志 二十

三年正月一日秀江橋火省志橋作樓 三十五年夏萬載大

水 三十九年春萬載水 萬歷四年夏五月萬載大水

漂沒廬舍衝壞龍江雙虹康樂三橋溺死居民無算 五

年九月萬載演武場午刻隱隱雷聲須臾自天墜下一斜

角石入土尺餘掘之初指甲可破俄遂堅今石猶存
廿年萬載大水 十六年戊子六月袁郡大水分宜城內平地至一丈漂沒民舍縣令以一小艇援家人出相傳蛟起自萍鄉溪漲驟涌人不為備室廬器物浮江而下人多壓死其中者萍鄉文廟圯 十七年己丑旱 十八年庚寅大旱民饑穀每石六錢秋大疫萍鄉五虎入城安志 二十一年萬載旱 二十一年萬載旱疫 三十七年萬載大水四山蛟出漂沒官署及田廬橋梁 四十年四月二十八日郡大水漂流屋舍剝壞民田無算水驟漲民不及避溺沒以數千計 四十一年大饑 四十二年甲寅饑穀每

袁州府志 卷二

星紀 歲祥

石六錢道路相攘奪 天啟元年萬載旱 自元年至五年惟萬載一邑水

仍旱頻 崇禎元年萬載旱 二年萬載水 四年夏地震

屋瓦皆裂居民有自床墜地者是歲旱 五年秋地震冬

十二月天雨穀黑色遍地可食人拾之有至數斗者 六

年四月萬載水六月至九月旱 七年十二月萬載雷大

震 八年夏四月萬載大水漂蕩城垣公廨衝陷廬舍陂

堰橋梁滄浸預備兩倉穀米至秋復旱饑饉相望 萬載知縣幸明

陳有水災詩十五絕 九年丙子夏大旱穀每石八錢五月萬載大

水秋七月宜春彬江鳧溪見居民驚異庠生楊文盛曰此鳧溪也山海經西山經云鹿臺之上有鳥焉其狀如雄鷄

而人面名曰鳧僕其名自叫也見則有兵鹿臺今上郡也
自西而南吾郡其有憂乎逾年丁丑果有楚冠之變

年夏五月地震冬十二月二十五日夜大雷雨 十一年
春正月兩日並出日下黑光摩盪凡二十餘日夏五月大

水萬載蛟出平地水深丈餘衝潰田廬溺斃人民數十生
員張學優夫婦壓死 十四年秋大水 十五年春地震

夏五月大水七月宜春縣堂有伏雷衝擊左柱時正起九
月復大水是日夜袁州府堂火 十六年夏五月

大旱六月朔雨雹大如拳小如粟是年萬載水米
每石一兩五錢 十七年春二月袁州地震安志

袁州府志 卷二

星紀 職祥 九

國朝 順治二年乙酉大水桃李冬華 三年丙戌夏秋

大旱百餘日赤地千里 四年丁亥春夏大水禾麥盡湮
凡六閱月餓殍相枕藉白骨如山穀每石八九兩米每斗

一兩八九錢人相食 七年庚寅萍鄉饑民初復業無牛
種民稍甦 八年辛卯旱民饑 九年壬辰復旱饑 十

年癸巳夏五月分宜大風雨文廟傾圮 十一年甲午秋
有蟲食禾狀類蠶而大每集救萬禾盡 十二年十一月

宜春總宜樓傾 十三年丙申夏秋大水 十五年戊戌

分宜有蟲食禾萬載水 十六年己亥旱 十八年辛丑

三月初六日萍鄉大雨雹其狀方圓不一積地 夏五月

如阜晴二日乃消

大水 康熙元年壬寅夏五月大旱惟萍鄉大水 二年

癸卯春三月萬載大水秋七月旱 三年甲辰萍鄉大旱

四年乙巳夏五月大旱無禾 五年丙午夏四月萬載

大水 七年戊申水 八年己酉秋萬載蝗冬冰雪折樹

九年庚戌冬十一月雪霏二十餘日深五六尺樹木盡

折鳧飛蔽天 十年辛亥春正月天門開長三十餘丈濶

四五尺火光洞然 萬載志 秋萍鄉蝗 十一年壬子萍鄉饑

六月夜有火自天墜於萬載福壽坊汪家巷着地員轉逾

時始散氣如硫黃 十二年癸丑秋萬載有蟲食禾 十

三年甲寅夏五月萬載蛟出湧水數十丈石腦背潭埠三

袁州府志 卷二

星紀 禮祥

十餘里人畜田廬盡沒 十四年乙卯四月萍鄉天鼓大

震 十六年丁巳水復旱 十七年戊午袁州產麒麟 謝志

采說 春大水夏大旱民饑分宜大風拔譙閣離地三尺白

氣橫江 十八年己未萍鄉大疫 十九年庚申夏四月

宜春蛟出新坊水夜發民不及避自南而東田地成河民

多溺死獲鹿橋圯秋萬載有蟲食禾冬十月二十二日午

刻分宜地震有聲門壁震動 二十年辛酉宜春牛產麒

麟於城北袁山雷電交集民以為怪斃之秋有蟲食禾萬

載白晝虎出傷人 二十一年壬戌夏大水北城傾圮數

十丈秋七月白氣見於西南方長數丈歷旬夜不散又青

氣如鏡與日摩盪八月虎出集雲鄉噬人百餘 二十二
年癸亥春三月萬載蛟出大水淹沒男婦田廬夏五月石
裡鄉蛟出郡大水化北鄉白晝虎出噬人甚衆郡城馬房
婦人有異產 二十四年乙丑歲大有 二十五年丙寅
秋萬載大雨雹 二十六年丁卯旱 二十八年己巳冬
十月嚴寒河水合馬牛凍死 三十年辛未萬載有蟲食
禾 三十一年壬申南門樓隱寺鳳尾草生花狀如寶塔
三十二年癸酉夏四月大雨雹傷稼 三十四年乙亥
旱 三十五年丙子旱 三十八年己卯夏五月水暴漲
郡城北門外驟深丈餘居民趨避不及宜春令張綸登城

袁州府志

卷二

星紀

禳祥

十一

募舟數十以濟冬雨雪四十餘日 四十二年癸未夏大
旱秋淫雨匝月民饑 四十三年大饑袁郡穀貴自此始
四十四年乙酉旱天雨黑粟 四十五年丙戌夏五月
大雨水民多漂溺北門城圯六月七月不雨歲饑冬養濟
院災 四十六年丁亥春旱夏四月虎噬人於北門城下
修仁集雲兩鄉有赤虎引集衆虎噬人官率獵者驅之五
月大雨北城復圯秋蝨賊傷稼冬十月初三珠泉有黃水
噴出逾時乃清 五十年辛卯萬載潭埠獲江豚重百餘
斤殺之明年潭埠火市肆民居皆燼 五十一年壬辰秋
七月十四日萬載縣火飛燄橫江文昌閣東廡俱燼 五

十三年冬大雪池塘冰堅徹底道無行人 五十六年丁酉冬十月萬載縣署牡丹復花 五十七年戊戌春三月萬載大水南浦橋圯 六十年辛丑夏大旱 雍正元年分宜大水 六年戊申夏五月初二集雲詔仁鄉蛟發田房漂蕩下浦橋圯秋旱 八年庚戌夏六月萬載產嘉禾一莖三四穗生員辛汝梅呈縣詳報時許松佶知縣事 乾隆二年丁巳夏六月初七集雲華山蛟發廣潤橋圯 四年己未夏六月歸化鄉蛟發大水害稼 七年壬戌秋七月大水 八年癸亥夏民饑斗米三錢 九年甲子春三月宜春慈化蛟發水溢萬載漂沒田廬淹斃人口知縣袁州府志

袁州府志

卷二

星紀

職祥

十二

嚴在昌請發賑銀二百五十餘兩秋九月雨雹 十一年丙寅春木冰夏五月郡大水分宜較癸卯高三尺縣文卷廩儲俱淹毀 十五年庚午夏五月宜春高龍山蛟發漂沒田禾下浦長橋圯 二十三年戊寅夏六月萬載水漂損廬舍橋梁知縣張立中捐卹 按兵氛舊志附入機祥類今俱摘出另載武備志後令覽者得以便察戰守之要